

UGOVOR

za usluge štampanja knjige



Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2 (u daljem tekstu Ugovorni organ), kojeg zastupa direktor, mr.sci.oec.prim.spec.dr. Samir Turković

i
Štamparija „Printer“ s.o.d. Sarajevo ul. Sedrenik (u daljem tekstu Dobavljač), kojeg zastupa direktor, Jasmin Babić.

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku **usluge štampe knjige „Dojenje-savjeti za dobar početak“**, u skladu sa Odlukom o prihvatanju ponude broj 03-08.-Dž.K.-9734-OPDS/18 od 19.03.2018. godine, ponudom Dobavljača broj 10/18 od 15.03.2018. godine i Odlukom o pokretanju postupka broj 03-08.-Dž.K.-9734-DS/18 od 16.03.2018. godine.

PREDMET NABAVKE

Član 2.

Ugovorena nabavka su **usluge štampe knjige „Dojenje-savjeti za dobar početak“**, koje moraju da zadovoljavaju tehničke karakteristike i količine kako je navedeno u sljedećoj tabeli:

| Redni broj | Opis/naziv predmeta nabavke | Količina/komada |
|------------|------------------------------------|-----------------|
| 1. | „Dojenje-savjeti za dobar početak“ | 80 |

OBAVEZE UGOVORNIH STRANA

Član 3.

Dobavljač se obavezuje isporučiti robu koja je predmet ovog ugovora, koja kvalitetom u svemu odgovara karakteristikama preciziranim u Odluci o pokretanju postupka broj 03-08.-Dž.K.-9734-DS/18, na način i u rokovima regulisanim ovim ugovorom i ponudom Dobavljača na adresu koju odredi Ugovorni organ.

Član 4.

Ugovorni organ se obavezuje da nakon isporučene robe, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim u Odluci o prihvatanju ponude broj 03-08.-Dž.K.-9734-OPDS/18, ponudom Dobavljača i ovim ugovorom.

Član 5.

Cijena robe koja je predmet ugovora će biti fakturisana na osnovu cijena iz sljedeće tabele:



| Redni broj | Opis robe | Količina /komada (A) | Jedinična cijena bez PDV-a (B) | Ukupna jedinična cijena bez PDV-a (C = A x B) |
|--|------------------------------------|----------------------|--------------------------------|---|
| 1. | „Dojenje-savjeti za dobar početak“ | 80 | 25,00 | 2.000,00 |
| Ukupna cijena bez PDV-a | | | | 2.000,00 |
| Popust | | | | / |
| Ukupna cijena sa popustom bez PDV-a | | | | 2.000,00 |
| PDV na cijenu ponude (sa uračunatim popustom) | | | | 340,00 |
| Slovima: Ukupna cijena za ugovor | | | | 2.340,00 |

Član 6.

Plaćanje izabranom ponuđaču iz člana 5. ovog ugovora će se izvršiti na osnovu dostavljene fakture nakon isporuke robe/usluge koja je predmet nabavke, na žiro račun ponuđača koji je dostavljen u ponudi u roku do 60 dana.

ISPORUKA ROBE/USLUGE

Član 7.

Dobavljač se obavezuje da će ugovorenu isporuku knjiga izvršiti u roku od 15 dana od dana potpisivanja ugovora na adresu koju odredi Ugovorni organ.

Član 8.

Dobavljač ima pravo na produženje ugovorenog roka ako je u isporuci robe i vršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa,

Dobavljač je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

Član 9.

Ako Dobavljač zakasni sa izvršenjem isporuke robe i izvršenjem usluge iz razloga koji nisu obuhvaćeni članom 8. ovog Ugovora, snosit će svu štetu za Ugovorni organ (npr. dodatni troškovi, izmakla dobit itd.) nastalu usljed kašnjenja sa isporukom i/ili izvršenjem.

NAKNADA ŠTETE

Član 10.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 30 (trideset dana) od dana postavljenog kompletiranog i osnovanog zahtjeva za isplatu naknade.

PRESTANAK UGOVORA

Član 11.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana računajući od dana stupanja na snagu Ugovora.

Član 12.

Ugovor može prestati i prije njegovog izvršenja, u slučaju raskida.

Ugovorne strane mogu raskinuti ovaj ugovor:

- a) ako dobavljač redovno ne izmiruje svoje obaveze po osnovu direktnih i indirektnih poreza i ostalih javnih prihoda;
- b) ako se utvrdi da isporučena roba i/ili usluga ne ispunjava kriterije iz ponude temeljem kako je zaključen ugovor;
- c) ako je došlo do zaostajanja u isporuci robe i pružanja usluge koja je predmet ugovora,
- d) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;
- e) ako ugovorni organ ne izvrši svoju obavezu plaćanja po ispostavljenoj fakturi Dobavljača, a nakon uredno izvršene isporuke i/ili pružene usluge;
- f) u svim ostalim slučajevima propisanim zakonom.

Iz razloga propisanih stavom 2. alineje b), c) i e) ugovor se može raskinuti samo ako je prethodno upućen pisani poziv sa zahtjevom ispunjenje ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

U svakom slučaju ugovor se ne može raskinuti zbog neizvršenja neznatnog dijela ugovorene obaveze.

Član 13.

Ugovor se raskida pisanom izjavom koja se dostavlja drugoj ugovornoj strani.

U izjavi mora biti naznačeno po kom osnovu se ugovor raskida, kao i dostavljen dokaz da je druga ugovorna strana prethodno, takođe pisanim putem, pozvana na ispunjenje ugovorene obaveze.

OSTALE ODREDBE

Član 14.

Svi sporovi koji eventualno nastanu iz ovog Ugovora rješavat će se dogovorom ugovornih strana.

Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 15.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je

angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 16.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

ZAVRŠNE ODREDBE

Član 17.

Sastavni dio ovog ugovora su:

- Odluka o pokretanju postupka broj 03-08-Dž.K.-9734-DS/18 od 16.03.2018. godine.
- Odluka o prihvatanju ponude broj 03-08- Dž.K.-9734-OPDS/18 od 19.03.2018. godine.
- Prihvaćena ponuda Dobavljača broj broj 18/18 od 15.03.2018. godine

Član 18.

Ovaj ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član. 19.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Dobavljač

ŠTAMPARIJA „PRINTER“


Jasmin Babić


Broj:

17/18

Datum:

28.03.2018.

Ugovorni organ

ZAVOD ZDRAVSTVENOG OSIGURANJA
KANTONA SARAJEVO


Mr.sc. oec.prim.spec.dr. Samir Turković


Broj: 03-08-Dž.K.-9734-UG/18

Datum: 23.03.2018. godine.